








ՀՐԱՏ. ՅՈՎՀԱՆՆԵՍ ԱՐԱՄԵԱՆՅԻ

Հ. ՀԱՄԲԱՐՁՈՒՄԵԱՆ

54

ՄՅՈՒԳԱԿԱՅ Է 1981 թ.



ՀՊԱՐՏ ՀՈԳՈՒ
ԵՐԳԵՐԻՑ

11
28284
12147

Дозволено цензурою, С.-Петербургъ, 14 Декабря 1904 года.

Պատկերաբերդ 1905
ՊՈՒՇԿԻՆԵԱՆ ՏՊԱՐԱՆ

Մ Մ Յ Ր Ի Կ Ի Ս

Կաթողին Մերիկ, հեռու ավերից
 ես Բեզ եմ ուղղում իմ երզն ու դաշնակ.
 Աշխարհի դարդով լեցուն իմ սրտից,
 Օ, չի հեռանալ քո սուրբ չիշատակ...
 Ախ, թէպէտ վաղուց ցուրտ ածիւն գառած
 նինչ ես վայելում սուրբ հողի զրկում,—
 Շիրիմիդ չորս գին ալ բալն ու կանաչ
 Թաթմոս մըմունչով երգեր են հնչում,
 եւ թէպէտ վերջին անջաման ժամին,
 Երբ դու հեռացար անյայտի աշխարհ,
 Ո՛հ, ես չըկայի, Մերիկ իմ անդին,—
 Թափառում էի երկիրներ օտար,—
 Բայց ես չիշում եմ, օ, ես լաւ դիտեմ
 Քո սիրտը գթո՞տ, ազնի՛ւ, սիրառատ.
 Այս կեանքի ճամբին քո շունչն է վսեմ,
 Որ յօյս է սփռում իմ սրտին ազատ...
 Ախ, Անուշ Մերիկ, Դու որ իբր հողի
 Անմեռ ես վեհ-վեր յուշերիս դաշտում,
 Այս ջերմ երգերը շիթով արցունքի
 Անմահ անունիդ ու քեզ եմ բերում...



Ն Ա Խ Ե Ր Գ Ա Ն Ք

Թող հալածւենք ես...

Թող զո՞ւ, երկաթէ հալածանքն յամառ
Ինձ միշտ հեռէ, որպէս ուրաւկան.
Աքսոր Թող քնկնեմ աշխարհէ աշխարհ
Եւ էլ չունենամ քնկեր, ապաստան...
Ես չեմ ափսոսանք...

Հոգ չէ, Թող լինի.

Որպէս կախարդիչ սուրբ վերջալոյսին,—
Որ մահ ու կեանքի մէջն է հրդեհում,
Երբ վառ յոյսերի ու վսեմ դարձան
Ըստինքը կենսոտ սրտի շրթերից
Վանւում է յանկարծ... զանգաղ ու դաժան
Մռայլի ոգին իր մօր արգանդից
Ելնում է առ դահ...

Եւ խաւարահոս իր շունչը մութ-մէկ
Փչում աշխարհի անփալկ երեսին.
Եւ սե սուերներ, որպէս դահիճներ,
Դժոխք նալածքով սուրում են չորս դին

Եւ վեհ արեւի, վսեմ արեւի
Յօլքերը վերջին դոհում, հալածում...
Այդպէս էլ մարդիկ
Թող դուժը մոռցած՝ կեանքի ավերից
Ինձ միշտ հալածեն, պղծեն իմ անուն...
* * *

Որպէս ծրրիկի անկ ժամերին
Ամպերը մռայլ բանակ առ բանակ
Ծրարում են խիտ երգիւնքը խորին,—
Ծանր, դժոխածին փորձանքը դաժան
Եւ վհատութեան չորձանքն ահաւոր
Թող սիրաս ծածկեն, կաշկանդեն հողիս...
Պարսաւը գժնեալ, հալածանքը դու,—
Որպէս նենգ հողմեր, որ իբր բնութեան
Կրճաբոյս կամքի անմիտ երակներ,
Հոսում են թափում... շնչով չաղթական
Քշում, հալածում մատխոհ ամպեր,—
Անդուծ, անխնայ թող ինձ հետեւեն...
Ու ես թափառեմ յաւերժ անընկեր...
Ինչ կուզէ, լինի...
* * *

Բայց ուր էլ դնամ,
Որտեղ էլ լինեմ չաղթ ժամանակի
Խրոխտ ալեւոր, փրփրուն ալեաց մէջ,
Ինձ հետ կ'լինի Անհաս իմ փառքի
Պսակը վսեմ—Ճակատիս վշտաւէջ...
Եւ ինչ էլ լինի.

Արար Աշխարհը Աստուած իր կողմով
Դժոխք ծաւալէ, աւեր ստանալ,
Օ՛, միայն իմ մէջ հպարտ, կենսագով
Իմ գիտակցութիւնն միշտ անլաղթ մնալ...
Թող ես հալածւեմ.
Մեծ ժամանակի ցանցում հրահեր
Ես ուր էլ լինեմ,
Ամեն տեղ հպարտ իմ միտքն ու տենչանք,
Որսկէս անմեկին ու ջերմ ընկերներ,
Ինձ հետ կը լինեն. և իբր արեգակ
Յաւե՛րժ կը շողան ազատանէր
Հողուս երկնքում...
Թող ես հալածւեմ...

1904. Մայիս

Բ Ա Ն Ա Ս Տ Ե Ղ Ծ Ը

Խաչ. Կարծ-ին.

Եւ իմ Սիրտը դժուգ, և՛ իմ Կուրծքը արնոտ...
Ու ես ծունկ չոքեցի վշտաբուխ աչս կեանքի
Սեղանի առաջ...

Եւ կեանքի դաշտերից ու սրտի խորանից
Սև ցաւի ու արեան մտացիր խիտ ամպեր,
Որպէս լալն կնճիռներ, չորդ եկան զիգւեցին
Իմ Աղատ ճակատին...

Եւ Աչերս չառած—իմ Աչերն արնաշիթ,
Ու հալեացքս պղտոր—և ցաւոտ իմ դէմքին
Հոծ դժոխք էր խաղում... և ճակտիս տարածւած
Վշտագեղ, կնճռոտ ամպերի շարքերում
Մերթ Կալծանկ էր ցոլում, սև Կալծակ էր լողում,
Եւ ես համր էի... լալ...

Կեանքի ծովն իմ առաջ ալիքներ էր նետում,
Լեռնապէս Սլիքնէր... Կոհակները ահեղ
Կատաղած, փրփրած. ու վրշտում ու լալիս...

Պնայճնում, որտանում էին դուռ... և սաէս
Դեի պէս նրանք շանում էին վե՛ր բարձրանալ.
Դէպի վե՛ր Աստուծոյ, Անհունի այն հզօր
Անհաս Կուրծքը ճեղքե՛լ...

Եւ հեղեղ էր թափւում երկնքից. խօլ հեղեղ
Շանթերի, որ անվերջ գալարւում էին դուռ,
Գալարւում մեծ ալեաց լերանց մէջ... և ահեղ
Հեղեղաւոր շանթի կտրտում էր թափո՛վ,
Փշուր՝ փռի էր անում այն լեռները ալեաց...
Եւ Կայծակը փշրում էր կեանքի երեսին
Կուտակւած ծով Ամպերը...

Եւ կեանքի տաղնապոս այդ ժամին շատ Եսեր
Մոլորւած ղեղերում էին լոկ Խաւարի—
Անթափանց Խաւարի ճանկերում...
Եւ լոկ Սով... կատարեալ Հոգու Սով էր տիրում
Մարդկային սրտերում վշտածոր...
Եւ ճշում էր ահե՛ղ ազատ Խիղճը ղերւած,
Ու ճշում, ու կանչում... Եւ երկիրը կաշկանդ
Ցաւերի Փոթորկից և Հոգու մեծ Սովից
Ջարդանդում էր... դողում...

Եւ եկաւ մութ Կեանքի էութեան ու Մաքի,
Եւ Չարի, և՛ Բարու, և անծայր տանջանաց
Հարցերի մեծ հեղեղը.—եկաւ դու թափով
Հեղեղաւոր հուժկու—հեղեղատն Հարցերի՛...
Ու զարկեց իմ կրծքին. ու փշրեց իմ կրծքի
Սև կապանքը կնճռո՛տ... Մանրութեան...
Եւ փշրեց ահարկու պալթիւնով իմ հոգու

Շղթաները անմիտ... ու իմ կուրծքը բացւեց.
Եւ իմ կուրծքը արիւն ու կրակ հեղեղեց,
Եւ լեզուս էլ բացւեց...

Ու իմ Խօսքը զայրուիթ, և իմ շունչը կարող...
Ես Մտքով եմ ահեղ, թեւաւոր...
Այսուհետ ես Հոգի եմ հպարտ--
Ստեղծող ու կերտող վեհ Հոգի զորաւոր...
Եւ սրտիս իրկնածին ահունքից
Յորդ բացւեց մեծ աղբիւրը հպարտ յոյսերի,
Ու վառեց անհուն կիրքը նորոգ վեհ կեանքի
Ու վառեց ու այրեց... Ես հպարտ եմ, անչաղթ.
Այսուհետ ես հեղեղ եմ Հոգու, Մեծութեան...
Ես Աստուած եմ, Հոգի...

1903. Յունւար



Դ Ս Ր Բ Ի Ն

Ոսկան Համբարժումեանին.

Մտքէ կայծակներ շանթող քաշ Դարբին,
Որ կեանք ու հողի գիտես միշտ կռել.
Ինչո՞ւ, ինձ ասա՛, դորժագուլ, անհող
Կռան Զնդանին դադար ես տուել...

Կայծակին նայիր,
Ճակատդ լաջն բաց.
Ու կարող ծեռքով
Նեաիր յաղթ հարւած...

* * *

Ու դարկ, դարկ անվերջ երկաթէ Սրտեր
Աստուած հողինէր կռող կռանով.
Այդ Աստուածաշունչ Զնդանիդ վերայ
Թող ծնունդ առնէ շանթէ Մաքի ծով...

Հպարտ անհունին
Հաւասար եղբայր
Զնդան ու Մուրճով
Հրդեհի՛ր Աշխարհ...

* * *

Տիեզերքը հանուր հողեբուխ Դարբնոց,
Հողեծին արդանդ Կռանն ու Զնդան,
Կայծակը քեզ ծեռք... ու Սիրտդ որո՞տ,
Կռի՛ր ու Կռի՛ր... Կռի՛ր չաւիտեան...

Արար Աշխարհը—

Գարշ, գծուծ զանգւած,

Կրակի՛ր, դարձրո՛ւ

Մի՛տք, հողի՛ կռած...

* * *

Լաղուրը լաղւարթ ասաղերով ցիր ցան
Դարբնոց երաղին թող փառք նւաղեն
Մասիս, Արադած, և՛ լեռու, և՛ հովիտ
Քնդնով կրակւած թող հողի շնչեն...

Ու կեանքն ու սրտեր,

Ու Զարն ու Բարին

Թող ի մի կաղմեն

Հրաշունչ հողին...

* * *

Դարբին քաջարի, ճակատու աղմու,
Վեշցրո՛ւ յաղթ Կռանն ու զարկ Զնդանին,
Ու զարկ, զարկ անգուլ, Կռի՛ր ու Կռի՛ր,
Որ գծուծ Աշխարհն առնէ իր ուղին...

ԵՐԿՆՔԻ ԲԱՐՁՈՒՆՔՆԵՐ

Սարգիս Մանուկեանին

Երկնքի խորութիւն...

Օ՜ անհաս, երազուն բարձունքներ.

Ա՛խ, ինչո՞ւ անկարող է հողիս

Ձեզ պէս խոր, ծեղ պէս բարձր լինել...

Ի՞մ հողին էլ ծեղ պէս մրկո՞ւ,

Մեծ արգանդ է հպարտ Կրքերի...

Կրքերի, որ անհուն վեհութեամբ

Պըլպլում են բոլորով աստղերի...

Երբ մոտ ալն ամպերը դաժան,

Որպէս նենդ ոգիներ երկնային

Մերթ սողում, մերթ լողում են անձալն

Ձեր մռայլ, ծեղ խոհուն ճակատին,—

Խիտ խմբեր վշտահիւս ամպերի,

Որպէս չար կենսածին ոգիներ,

Հազած սեւ, ծանր հաղուստ ցաւերի,

Հողուս մէջ են լողում անարդել...

* * *

Երկնքի խորութիւն...

Երբ դու ջիւնջ ես, բիւրեղ ու խոկուն,

Եւ հսկայ հայելուդ անդունդից

Երևում է Աստուծոյ Անհուն,

Եւ իմաստ է կաթում քո կրծքից,
Իմ հոգու ջինջ, զուլալ երկնքի
Հազուրից շուշողում է Արե—
Ցնորքի ու փառաց վեհ զեղում.
Եւ դարուն է հոսում սուրբ Սրտիս
Մեծ Աւեան աղբիւրի ակունքից...



Երկնքի՛ խորութիւն...
Անյայտի բարձունքներ խոր ու լալ...
Իմ հոգին է ձեր վեհ բալանին,
Նա զիտէ ձեր Դռները բանալ...
Բարձունքներ... Թող անչափ մեծ լինեն
Յալթ ծովերը հղօր Անյայտի...
Եւ յաւէտ էլ անօդ, զուր անցնեն
Երկրածին թռիչքները Մտքի.
Բալց էլէ վեհ հոգիս է ազաւ.
Նա զիտէ կուրծքը ձեր Թափանցել...
Ս, զիտէ նա տոկալ, հռչալ
Եւ Փակտնքը ձեր պիրկ արծակել...
Մտքից վե՛ր երկնային բարձունքներ
Եւ յստալ լազուրի խորութիւն.
Ա՛խ, ինչո՞ւ անկարող է հոգիս
Ձեզ պէս խոր, ձեզ պէս բարձր լինել...

ՋՈՒԼՅԱՆԵՐ

Երկնքի ծնունդ, Արևի զաւակ,
Գաջ աշխատաւոր Մաքի Ջուլհակներ,
Որ ճակատ ունէք երկնի պէս աղաւթ,
Երկաթէ մկան, առդրհայ ձեռքեր...
Շանթի պէս անկ
Ձեռք զարկէք Գործի.
Ձեր Թափն ու հանճար
Նոր կեանք կ'ստեղծի...
Նման Սնհունի արեւ ու աստղին,
Որ մեծ Աստուծոյ Դաղգան է, Դիւան.
Ջուլհակ ու Գորար, ձեր կուրծքը արնոտ,—
Դաղգան կանգնեցէք հողու Վեհութեան:



Ձեր ճակատին կնճիռ, ձեր կրծքում աւիւն.
Գործի փիճակաւ Բանւոր ու Ջուլհակ...
Ձորս կողմը նայէք... կապանքը հեռոյ,—
Կեանքի կամարում զեռ կայ արեգակ...
Եւ քանի այս վեհ ճիւղերքի բովում
Շնչում է Դաղգան մեծ Աստուծութեան.
Եւ ամպն ու եթեր, լաղուրն ու աստղեր
Վսեմ, հողերու ժանաձ են նորան,

Վշտի սև ամպերն
 Ձեր չաղթ սրաերից,
 Քրտինքն արնաշիթ
 Ձեր լալն ճակատից
 Վե՛հ ազատութեան անմե՛ռ շնչի տակ
 Երկի՛նք կը թռնեն, չաղթանակ կ'երդեն...
 Դադդահին զարկէք Բանուոր ու Զուլհակ,
 Ալիքներ Գործի թող կեանքը գրկեն...

* * *

Հողմերն աշխարհի թող նիւթ կուտակեն,
 Եւ մանած մանեն կեանքի անիւններ.
 Այդ ողջը տւէք Դադդահի բերան,
 Դղէ՛ք ու գործէ՛ք մեզ ազատ օրեր...
 Այդ նորոգ կեանքի թերթերն են վսեմ,
 Հինւո՞ժ ¹ Դադդահի վերայ կախարդուն,
 Թոխիչն ² ու թոխմահ ², մալտնչ ու մանած
 Այդ ձեզ են կանչում գէպ Դործը անհուն...
 Աշխատաւորներ,
 Ձեր յոյսը Արե...
 Երկունքով ծնէք
 Դարձն յարատե...

¹ Հինւել-Հեմւել. Հինւել խօսքը գործ է ածուում, երբ ուղում են ասել. Հեմքը գցած է, գործքը սկսւած է:

² Թոխիչ կամ Թոխմահ, երկունսն էլ գործիքներ են, որանցով թակում, ամրացնում են զործքը:

* * *

Գարնան շողքի տակ թող ծիլ արձակեն
Մեր Աղատու թիւնն... Աստուծոյ Մտքի...
Գործից ու Մտքից հոսէ հեղեղատ,
Գործով եւ ազատ Սրտերը փառքի...
Դէ՛հ, Գործի ղեղում
Ցրէ՛ք աչ ու ձախ,
Զարկէ՛ք անդադրում.
«Թ՛նլսխ, Թ՛նլսխ... Թ՛նլսխ ու Թ՛նլսխ...»

1904. Մայիս

(11)
A 28284



ԱՆՀՈՒՆԻ ԵՐԳԸ

Մանի՛ր, մանի՛ր իմ ձախարակ,
Յաղթ ժամանակ.

Խոժոռ Ուրու մալանչներից
Մանի՛ր օրե՛ր, Կեանք ու Տանջանք.
Կենսակժիկ սե՛ւ դարերից
Մանի՛ր Անցեալն — մահացուց ա կ...
Ականջներդ թոյն եմ ածել,
Դէ՛հ շուտ շարժելի՛ր, որ վի՛շտ մանես...
Անէծքն է Քեզ Աշխարհ բերել,
Որ Յոյսերին պատանք հիւսե՛ս...

Քո Անիւր կայծակաթև.

Ճաղեր ունես — շանթէ Լիսեռ —
Քո Սռնակը կեղծիք ու դե,
Ունես հրեղէն Խայթոց, Բեռո...
Անդէտ Ոգին Քեզ ղեկավար,
Աշխարհը ողջ Քեզ օթևան,
Պտուռում ես անհմտ, անճար,
Ծորում Շարժում տիեզերական...
Մանի՛ր, մանի՛ր իմ ձախարակ —
Գոռ ժամանակ,
Մանի՛ր Յաւե՛ր հաստ ու բարակ...

Ժիրք են Մարգիկ, Մտքով խիզախ
Էռլթիւնս կուղեն զիտնալ,
Կուղեն լինել հողի անկախ,
Ճշմարտութեան դուռը բանալ:
Որպէս հովտի լացող ուռին,
Իր ճիւղերը վշտից թեքւած
Սնկարող է շիտկել կրկին,
Այդպէս նոքա տենչով լցւած,
Ունայն Մտքի կամարի տակ,
Սնկարող են ինձ ըմբռնել,
Մանիր, մանիր իմ ճախարակ,
Վեհ ժամանակ,
Մանիր քուլալ, քուլալ կեանքե՛ր...

Դեռ առաջի կեանքի օրից
Մարդը ուղեց ինձ ըմբռնել.
Քեզ նիւթել եմ ես իմ կրծքից
Մտքի թափին արդելը լինել:
Դու աչն օրից անխոնջաբար
Ժիր մանուկ ես Բո Բուլաներ,
Եւ մանածից մարդկանց համար
Սխալանքի ծորում ծովեր...
Բո հաճոյքից — Դառն օրերից,
Սե Ստութեան նիւթւած ծովում,
Մարդն է լողում իր ծննդից,
Յաւէտ տանջւում, յաւէտ խարւում...
Մանիր, մանիր իմ ճախարակ,
Դու ժամանակ,
Մանիր մալանչ սե՛ռ ու սպիտակ...

Միջուկդ լի դժոխք, արիւն,
 Հոգիդ լցրել եմ կոյր կամբով.
 Քո մանածն են ձմեռ, գարուն,
 Երկինք-Գետին պերճ հիւսւածքով
 Անմառութեան Շունչը Գո մէջ,
 Քեզ աւած է շանթէ Թւեր.
 Դէ՛հ շուա շարժւի՛ր, մանի՛ր անվերջ —
 Չարն ու Բարին, վշտէ թելեր, —
 Չախորդութեան սև Ունակերից
 Կեանքեր հիւսի՛ր, Շիրի՛մ Նիւթի՛ր.
 Կծիկ արա՛ աչդ Մանածից,
 Իլկիդ վերայ մի՛շա փաթաթի՛ր...
 Թող Միաքը թույլ է ծաղրարժան
 Ձուր զալարւի՛, անվերջ առկա՛յ.
 Նա անդօր է... Ճշմարտութեան
 Լոյսից նորան բաժին չը կալ...
 Կայծակի պէս դու թափ ունես,
 Դէ՛հ շուա շարժւի՛ր իմ ձախարակ,
 Յաղթ ժամանակ.
 Անելիքդ Դու լաւ գիտես...
 Մանի՛ր կեղծի՛ք հաստ ու բարակ...

Թշւա՛ռ Մարդիկ, խղճո՛ւկ Սրտե՛ր,
 Որ սնու՛մ են Ստու՛թեան մէջ...
 Նոցա դիւթու՛մ են Յնորքներ,
 Պերճ Երազի դաշտեր անվերջ...
 Թաղաւորներ ունայն կեանքի,
 Խաբւած անմիտ և խուսափուկ
 Երկրի Փառքով, դեռ մերթակի

Կռիւներ են մղում անձուկ...
Ահեղ Կուի դաշտերն արիւն,
Վրէժ ու դաժն են մըմնջում...
Որդեկորոյս Մայրերն անտուն
Արցունքի ծով են հեղեղում...
Եւ ի՞նչ... դժուծ Գանձն ու Պարծանք,
Աղատութիւնն ու Գերութիւն,
Անուրջ ու իղծ և զարդ, պատրանք,
Կայծակաշունչ Թափովդ անհուն
Կործանում ես, մէկէն փշրում,—
Եւ ողջն աճիւն, մօխի՛ր դարձնում...
Մանի՛ր, մանի՛ր իմ ձախարակ,
Գոռ ժամանակ.

Լիսեռներդ պատի՛ր.
Մանի՛ր դժօխք, մահ ու կրակ,
Մարդոց Սրտի՛ն փաթաթի՛ր...

1903. Նոյեմբեր

ԳԶՐԱՐԻ ԵՐԳՐ

Հռիփսիմէին

Դեռ մեր կեանքը չունի Արեղակ,
Մեր հովտում քարացած է Խաւար.
Բայց մեր Սիրտը տոկուն համարձակ,
Մեզ նոր կեանք կստեղծի մեր հանձար:
Որպէս Մէղր կնճռոտ, ծովացած
Վաղորդեան լուս ու մութ ժամերին,
Որ խոժոռ, համբօրէ՛ն դէզ դիզւած
Ծանրանում է լերան ուսերին.
Այդպէս Բուրդը անգիդ, խառնիխուռ,
Որ ծնունդ է կենաց Յորձանքի,
Կուտակւած է մեր դէմ մունջ ու լուռ,
Պէտք է Գործ ու Ձեռքի, ու Մտքի...
Ահա՛ սուրբ մեր Չաքին ¹, մեր Անեղ. ²
Դէ՛հ գլենք առյաւէտ յաղթաբար,
Բը՛ղղ ու դը՛ղղ... դըղղ ա դըղղ... չա՛խ ու չե՛խ...
Մինչ մեզի լոյս Արե՛ւ ծագէ վառ...

¹ Չաքի—երկաթէ զնգածայր գործիք, որով գլրարը գլելիս զարկում է գլող լարին:

² Անեղ—այն կիսաշրջան գործիքն է, որի վրայ ամրացրած է լինում գիղ անող լարը:



Մեր Կնճիռն է, Կնճի՛ռը Մաքի,
Մեր ճակատին աժդըհայ լերան պէս.
Մեր վեհ Գործն է արդանդը Փառքի,
Որ հոժ Կեանք է զգում փրփրապէզ:
Քաջ ընկե՛ր, ախ, նայիր զէպ հեռուն,
Տե՛ս, ինչպէ՛ս մուժ կեանքի անդունդից
Ալիքներ են դալիս մօքնչուն,
Կատաղած շան նման փրփրալից.
Եւ ինչպէս Կոհակները դաժան
Ուսերին դրած Բուրդ են բերում,
Գդելու Անեղով վհու՛թեան.
Զաքին ա՛ռ ու զգե՛նք անդադրում...



Շատ վաղուց, գեւ հզօր ժամանակ,
Որպէս բոյս, Աստծոյ Պարտիզում,—
Որ Տիեզերքն է անհուն, անչատակ,—
Նոր-նոր ծիլ էր գցում, արձակում.
Ալիքները այդ դիժ այն օրից
Սնդիդ Բուրդ են կրում անսպառ
Սրտի մուժ և անյադ Զորերից,
Բուրդ ախտո՞տ, չը զուսմծ ու խաւար...
Կենսածին այս Բրդում միածե
Խճճւած են ո՛ւ Զարն ո՛ւ Բարին,
Ճշմարիտը, Կեղծիք, Սուտը սե
Եւ բի՛ւր բի՛ւր գարշ Ախտե՛ր մժածին...

Բայց մեր Ձեռքը աղմա, քաջ ընկեր,
Մեր Անեղը կալծանկ երկնացոյ.
Մեր Չաքին է Հոգին անվեհեր,
Զարկ, զաւենք, զգենք Բժուրդը խոժոռ...

* * *

Եթէ Բուրդը այս մութ, գլուխի
Իր մէջ Ծէրք ¹, լոյս Արեւ էլ ունի.
Թէ փառաց մեծ Գարձուն կայ դալիք,
Այդ Անեղ ու Չաքին կը ծնի...
Եւ քանի երկնքում շողշողան
Ճշմարտի վեհ աչերը—աստղեր,
Եւ ծովում ալիքները դաժան
Միշտ ոռնան, կրծոտեն մութ ժայռեր.
Թող անդուլ կալծկառայ յաղթ Անեղ.
Ու Չաքին էլ շանթէ վեհ հարւած,
Դէհ, գգենք Բրդի դէզը անեղ,
Գլուխու է այս Բուրդը ծնւած...

* * *

Մենք դիտենք. Մեծ Աշխարհը արար
Վեհ Գորոց է աղմա ու համայն.
Ժամանակն է վսեմ, գոռ Գլորար,
Որ գգում է անյաղ, անսահման...
Նա գգում է, ջոկում իրարից
Վսեմ Ծէրքը, խաւար դարչ Օռւանք ²...

¹ Ծէրք—լաւած, կլլած մաքուր բուրդ:

² Օռւանք, բրդի անպէտք մասը, որը գգելով դուրս
են բերում:

Եւ Անհունը, Աստուած իր Գահից
Մեծ Գործին աչի տալիս է օրհնանք...
Դէ՛հ, գղենք Բուրդը մութ, լեռնացած,
Եւ դիզենք Ծէրքը ջոկ, Օռւանք ջոկ.
Զարկ ընկեր, Աշխարհում չենք ծնւած,
Որ սողանք միշտ անդործ ու անհոգ...
Թող մեր Գործն հոգեբուխ, աւիւնոտ
Մեր Սրտում կազմէ նոր լոյս Կամար.
Որ գղենք, Արեգակը շողոտ
Մեր հովտում կը փայլէ չուսափմու...

1904. Յուլիս

ԿԼԷՅԶՈՒ ԵՐԳԵՐԻՑ

Հայրիկիս

Է՛, ընկեր, Արեգակը վսեմ,
Իր զլուխը հանեց խոր քնից.
Եւ չորս դին ամեն ինչ ջերմաշերմ
Նա շուեց ժպիտով յուսալից:
Եւ Մշուշը կնճռոտ ու խաւար,
Տեսնելով ազատ Շողն երկնաւոր,
Հեռանում է, ահա՛, սողիսող,
Քաշելով Արեւից փառաւոր:

Ընկե՛ր, բա՛ւ է, որքան մոռացւած,
Մենք դադար առանք սուրբ մեր Գործից.
Բե՛ր, սարգենք մեր Դադգահր օրհնւած,
Սուրբ Դադգահր, որ ծնունդ է երկնից:
Մեր ողջ կեանքը ե՛կ տանք այս Գործին,
Մենք որբենք առլաւէտ Ամաններ.
Մենք ունենք վեհ Կլէկ ¹ փառածին,
Որ մաքրում է Հոգի ու Սրաւր...

¹ Կլէկ—մետաղ է, որով ամանները սրբելուց յետոյ, վերսրբում են, փայլեցնում:

Ինչպէս յաղթ ալիքները յուշաշուշա-
Ծովի խոր անդունդից անարդել
Կեղա ու Աղբ են քշում զէպի ափ
Եւ ցայսօր անբաւ Աղբ են զիզել-
Այգպէս էլ, բարկաճալթ այս Կեանքի
Մութ Յորձանքը Ախտեր է կրում-
Եւ այդ ողջը խղճուկ ու թշնա
Մարդերի Սիրտ-Հոգումն է զիզում:

Կեղա ու Աղբ Աշխարհի սկզբից
Հա՛ զիզւել, հա՛ կիտւել են Սրտում-
Եւ Արեւը յոյսի՝ Ժանտ ախտից
Մեղի լոյս չի՛ տալիս, չի՛ սփռում...
Պէտք է Գործ և Կէկ սրբարար,
Որ Սրտից այդ Ախտերը հանել-
Պէտք է Ձեռք, և՛ Մկան, և՛ Հանճար,
Որ Կեանքի մեծ Գարունը հիւսել...

Եւ եթէ երկնքում աչն լալուր
Կայ վսեմ Գործերին հատուցում,
Օ՛, անհոգ կա՛ց, ընկե՛ր, մենք մի օր
Տեսնելու ենք Դարունն անտրտում...
Դէ՛հ, ընկե՛ր, մի՛ քնիր և տոկուն
Ձեռքդ զարկ վեհ Գործի Դադգահին,
Շատ Անօթ կայ մեր զէմ սրբւելիք,
Որ կարօտ է մեր յաղթ Հանճարին...

Տե՛ս, այս Սիրտը մի օր լուսեղէն
Ճառագայթ էր սփռում աշ ու ծախ-
Նա մեղի Վեհութեան բարձունքէն

Շողշողում ու կոչում էր յանախ...
Բայց այսօր... այսօր ժամատ Ախաբերից
Ախաբահես Վերարկու է հաղած.
Գարշն ու Սուտր, Կեղծիք մթալից
Նորա մէջ կայուն Բուն են դրած...
Այս Ամանր, տե՛ս, սե՛ն է, գգնեմ.
Օ՛, մանկութեան լիշում եմ դորան.
Վեհ հոգի՛, վեհ Անօթ էր վսե՛մ.
Նա բաղձանք էր մեղի Սրբութեան:
Տե՛ս, ինչպէ՛ս Նորա մէջ այլանդակ
Գարշ Որդեր սողսողում են դէս դէն...
Նախի՛ր, Կանթն է կտարած... Կողը ծակ...
Այսուհետ նա անպէ՛տք է արդէն...

Օ՛, եթէ վեհ Կլէկ չը լինի,
Կը փոեն Կեղտի մէջ Ամաններ,
Որ ծնունդ են Լոյսի՛, Սրբի՛.
Դէ՛հ քսիր, դէ՛հ կոկի՛ր վեհ Սրտեր...
Մի դաղրի՛ր. շուտ արա՛, հա՛ սրբի՛ր.
Առ Փռի՛ն, առ Անձող շաղաղած,
Հա՛ քսիր, հա՛ կոկի՛ր Ամաններ,
Որ կեանքում Սիրտ, հոգի են կուլած...

ՏԱՐՈՐԻՆԱԿ ՄԱՐԴԸ

Աստ՝ դու ինձ, աստ՝ այ՝ մարդ տարօրինակ,
Այս Աշխարհում, մեծ Աշխարհում ամենէն շատ
Ի՞նչն ես սիրում, ի՞նչն ես պաշտում...
Մտերմութիւնը անձկալի ու սիրառատ...
Թէ՞ ծնողաց դուժը վսեմ այն երկնածին,
Թէ՞ վեհութիւնը «մերժաւոր» դիւթիչ անւան...

— Մտերմութիւն... Այո՛, ունեմ, դիտեմ սիրելի
Սիրտս կը տամ Մտերմութեան վեհ բարձունքին:
Ես դեռ մանկութ Մտերմացայ սրտանւէր
Միշտ հարազատ, հաւատարիմ ընկերներին.
Մալքս հազիւ զատեց դժոտ ինձ իր կրծքէն,
Հազիւ լաւեց ջինջ թոթովանքն իմ առաջին,
Հէնց այն օրից ընկերացայ ես Վշտի հետ,
Եւ Կեանք մտանք Մենք միատեղ ու անմեկին...
Մի քիչ չեառոյ Յուրան ու Չարիք,
Քիչ էլ չեառոյ Սովն ու Կարիք.
Եւ միշտ մի տեղ, միշտ միտսին
Ուխտ կապեցինք, ուխտ սրտադին,

Մտերմումթիւնն այս անբերկրանք
Անխախտ պահել երկնքի տակ...
Եւ մենք այնքան, այնքան իրար
Նւիրւեցանք ջերմ ու սրտանց,
Որ երկնի տակ, կեանքում իսպառ
Էլ մեզի պէս չկայ սիրուն
Անդաւաճան վեհ Միումթիւն...

Իսկ ծնողներ... Դեռ այն օրից երբ իմ մատաղ
Միտքը թափոտ դիտէր հեռու, հեռու ճախրել
Եւ մանկական բիւրեղ Սրտիս վեհ քնարին
Երազանքի ծաղկադաշտեր մերթ յօրինել...
Ծնողներիս սրտանւէր
Ես ճամբեցի Մեծ Անյայտի Աշխարհը մութ...
Այնուհետեւ անտճէն, անմէջ
Ես Որդեգիր առնիշտ դարձայ այն բարեգութ՝
Անյուսումթեան երկրէն եկած չար հողմերին...
Դոցանից զատ, լաւ իմացի՛,
Այլ մերձաւոր դեռ չեմ տեսել,
Ոչ էլ գիտեմ. օ, քաւ լիցի,
Չեմ էլ կարող այդ բմբռնել...—

Բայց ինձ աստ՛, ով անսովոր խտտասիրտ Մարդ,
Ոյս կախարդիչ հրաշագեղ երկնքի տակ
Դու չե՞ս գտնում որեւէ բան Սիրուդ արժան...
Ի՞նչ ես ասում Գարուններին՝—
Այն զմրդ, փարթամ, խենթացնող Դեղեցկութեան.
Ի՞նչ ես ասում վեհատեսիլ՝
Աստուածների շողք ու ժպիտ Արշալոյսին...

Օ, ճի՞թէ քո Սիրար, հոգին չի հմայում
Այն ջիւնն ու լսիլ խորութիւնը անուրջային,
Ուր վառ Աստղեր—երկնից Սէր
Գիտեն կանչել հեռուն... հեռուն այն անտրտում...

— Պերճ Գարուններ, օ, քաւ լիցի.

Անլոյս կեանքիս անփայլ ուղին
Միշտ օտար է եղել փարթամ ու կախարդուն
Գարունների զննող ժպիտին...
Ես չգիտեմ այլ Գարուններ,
Բացի իմ վեհ Գիտակցութեան, վեհ Տենչանքիս
Միշտ արեւող, միշտ հմայուն Գարուններից...
Օ, քաւ լիցի... Ես արտաքին այս Աշխարհում
Դեռ զրաւիչ բան չը գիտեմ.
Զի Բնութեան Պնրանքը ողջ—Գեղեցկութիւն
Անդրադարձումն է իմ Մտքի անհաս Շէնքին.
Եւ ի՞նչ է նա... թէ ոչ բիւրեղ մի հայելի...
Օ, ես գիտեմ այդ հայելում անդրադարձող
Այն Շէնքը կերտ սիրե՛լ, պաշտե՛լ,
Որ իմ հոգում—իմ մեծ հոգումն է դադանացած...
Նա է իմ վեհ Սէրն ու Երկի՜նք, Ա՛րեւ, Գարուն
Եւ էլ Աստուծո՛ւ...

ՄԻՏՔՆ ՈՒ ԿՍՊԱՆՔԸ

Ժայռերը կնճռոտ, նօթերը կիտած,
Հպարտ ու մենակ կանգնած են ահա.
Հսկայ փէշերը չորս դին տարածած
Յամառ յեզնութեամբ նայում են նորա
Աշխարհի Կուռքին, կեանքի Տաճարին,
Ամպաչու գլխով Երկինքը հասած
Ծաղրանք են նետում Հանճարի Մաքին...

Նոցա աժդահայ փէշերի տակից
Երկունքի ցաւով Աղբիւրն է խօսում...
Կաշկանդող լերան բռնի ճանկերից
Ջրերն աղձկող հեռու են հոսում...
Փրփուրը բերնին վէտերը կախաւ...
Յուզում են... վրշշում, ցայտում դէպի վե՛ր...
Կապանքը կրծող Յորձանքը յամառ.
Հնչում է ազատ Տանջանք ու Երգե՛ր...

* * *

Հեռու ծովերից, Անհունի դրկից
Սե՛ սե՛ ու խոժո՛ռ գալիս են ամպե՛ր.
Զբւած են շարքով իրար չետեկից,

Ասես թշնամու անհամար զնդեր...
Ժաշուերը դաժան, ուսերը մեկնած,
Զայրոյթը իրենց երկնահաս ճակատին,
Կանչում են զօրքը, կանչում գրկարաց.—

— Հէ՛յ-հա՛յ սե՛ւ ամպե՛ր, տարադիր զօրքեր,
Որ մի՛շտ, անկայան շրջում էք մոլոր.
Ո՞ւր է ձեր տէրը. ինչո՞ւ է թողել
Ձեզ օտար երկրում պանդո՛ւխտ ու սղա՛նք...
Եկէք զունդիդունդ. ուսերը մեր լայն,
Որ կո՛յս են յաւերժ, անմատո՛յց, ազնա՛տ,
Ձեզ վե՛հ, քաջարի կը տան օթեա՛ն—
Միշտ զա՛յ, ծրարե՛լ մեր դէմքն ու ճակատ...—



Մե՛կթ... թանձր խաւար. գէշերը մռայլ
Իր գիրկը առաւ Աշխարհը լռին.
Զօրքերը Ամպի գանդա՛ղ, յաղթարա՛նք
Բանակ զարկեցին լերան ուսերին:
Եւ երբ ոխերիմ ու մռայլատես
Թշնամիների աչն խուլ բանակում
Շանթի ոլորաններ, օձերը ասես,
Ցուլացին... պաթե՛ց զզօրդ-որոտում,
Ժաշուերը հպարտ, չօնքերը կիտած—
Զայրոյթի ծովեր դժխեմ աչերին—
Կծո՛ւ, նենգօրէն նայելով դէպ ցած,
Ընկա՛ն... ծանրացա՛ն Աղբիւրի զլխին...
— Հը՞. դերած ես աչժժ... ու շղթայակապ
Զգո՞ւմ ես առջևդ քո Մահն ու Գրող...
Խո՞մ տեսա՞ր հսկայ մեր Կործմն ու թափ.

Դէ՛հ, մեռի՛ր. քեզ մահ, Աղբի՛ւր աղմկող...
 Հա, հա, հա... Թշւա՛ռ, մեր փէշերի տակ
 Ամբիշա ցամաքի՛ր—դռնցի՛ն ժայռեր.
 Թող տեղդ մնայ շիրի՛մ... աւերա՛կ...
 Քո բախտը մենք ենք—Թնդացի՛ն լեռներ...

— «Իմ Շիթն ու Յործանք անդուլ կը հնչեն.—
 Լեռների տակից մրմնջաց Աղբիւր.

— Կապանքները այս երազ են, կանցնեն,—
 Մէկէն գռնցին կոհակները բի՛ւր...

Յաղթական երգով Աղբիւրը բիւրեղ
 Ասաց, գալարեց մարգարտի Շիթեր.
 Ցնծուղն ու մրմունջ, արցունք լուսագեղ
 Եւ կոյս կարօտով լեցուն վեհ երգեր
 Արազ սահեցին դէպ հեռո՛ւն... հեռո՛ւն...
 Ուր շողում էր միշտ լոյս Աղատութիւն...

* * *

Դարե՛ր, բի՛ւր Դարեր որպէս Կարաւան
 Այն օրից ՚ի վեր եկել են, անցել...

Իսկ Միտքը այսօր—չինչ Աղբիւրը այն,
 Որ կոյր Տանջանքի սրտումն է սնել,
 Սնափ ու Յաւե՛րժ Տիեզերքի համար
 Դարձել է անմահ ունեւունջ Արե՛...
 Եւ վեհ ժպիտը նորա կենարար
 Լուսաւորում է օրերը մեր սե՛...

— Ասա, Աշխարհի կենսատու Աղբիւր.

Ո՛ւր են քեզ խեղդող Կապանքներն ունայն...

— Հսկայ Թեի տակ Դարերի հանուր

Մեռած են նորա... լուծւած են... չը կան...

Զ Ս Ն Գ Ը

Մենք անցւոր ենք, կեանքն էլ անցւոր,
Ու զնում ենք հեռո՛ւ, հեռո՛ւ...

«Դ՛րմմ-դ՛ո՛ւմմ... դ՛րմմ-դ՛ո՛ւմմ...

«Զ՛րննդ-զրա՛ննդ... զ՛րննդ-զրա՛ննդ...

Կոյս Անյալտի յաւերժական արդանգներից

Հնչող Զանգի խնկթացնող հոծ արձաղանք՝

Տխուր ժամին անխալկ կեանքի,

Ցնցեց լարերն իմ սուրբ Սրտի...

Եւ հառադալթը վեհ հոգուս հախրեց նորից

Ցնորքների տատկանի՜շ կամարի տակ...

Եւ տեսնում եմ. ահա Կերտող Աստծու պէս

Կայծակաժին թե՛ ու թափ՜վ նաւը Մտքի,—

Որ ճեղքում է մռայլատես

Ալիքները մեծ եթերքի...

Որ քաջարի՛ւ և վառիվառ նեւում է վեր

Եւ Անհունի անծալրածիր ոլորաներում

Շանթում է յորդ կայծէ հեռքեր...

«Դ՛րմմ-դ՛ո՛ւմմ... զ՛րննդ-զրա՛ննդ...

«Դ՛րմմ-դ՛ո՛ւմմ... զ՛րննդ-զրա՛ննդ...

Ու նաւում է, Միաբը թեւում

Դէպ Յաւերժի կանչն ու կրակ...

* * *

Ահա հեռուն, զարնանատես պանդուխտ Նաւակ, *
Գեղեցկութեան Յաւերժահարսն է Նաւավար...

Արշալոյսի բոյլն ու փայլակ

Նորան շոյում են յուսափում...

Եւ լուսեղէն նաւակի մէջ այն կախարչուն

Միշտ երգում են երկնածարաւ վեհ երգիչներ,

Եւ լողում է նաւը փայլուն

Դէպ Զանգըր վեհ, կանչը-անչաղ...

«Դրժմ-դժմ... զրննդ-զրաննդ...

«Դրժմ-դժմ... զրննդ-զրաննդ...

Ես զգժմ եմ. ահա Բիւր բիւր Նաւեր խոհուն

Ժամանակի այս անկողար տլետց միջին

Սահում են վեր, տենչում հեռուն—

Դէպ Անյալտի ափը վերին...

Ահա կեանքը Աղատութեան ու Գերութեան...

Ահա անդուստ վայելքների ծովը սուղած

Այս աշխարհի Տէրերն ունանին...

Ահա բանաում հալման էլած

Խղճմամբ... հարձստ, աղքատ... Սրտեր թշւառ,

Որ քինալոյզ Զախորդութեան ամպերի մէջ—

Խոր երկունքի կրճքում յամառ.

Հեղեղում են արիւն անվերջ...

Եւ այս ողջը—համայնական Մեծն Արշաւանը—

Զանգի կանչովն է կախարդւում... վեհ-վեհ նեւ-

ւում...

* Գեղարեւար

Զրննդ-զրաննդ... զրննդ-զրաննդ...

Դրմմ-դոմմ... զրմմ-դոմմ...

Երկնածրար Յաւերթութեան Կոյս Բարձունքի—

Սնհունի Զանգն է որոտում. «զրմմ-դոմմ...

զրննգ-զրաննգ...»

Որ խորհուրդն է Մեծ Տիեզերքի, զեհ հիւսւածքի...

Նա է լուղում, նա է կանչում Սրտերն ու Կեանք...

Եւ դարիս է կանչը անհուն.

Որոտում է ու զրննդ-զրննդում...

Ու Աշխարհը, չորս դին, հեռուն

Յաղթ Սրճադանքն է կախարդում...

1905. Յունւար

* * *

Կայծակը ինձ նետ,
Անհունը հողիս.
Աստղերը պսակ
Խրոխտ նակատիս,
Կեանքիս կապանքը
Փշրե՛մ ու երթա՛մ,
Հողին էլ ինձ թե՛,
Հեռո՛ւ սլանա՛մ...

Իմ երդն է Դոդանջ՝
Անհունին չստակ.
Աստուած լինելու
Յնորքս անյադ,
Մանրութեան փոշին
Ինձանից ցրե՛մ,
Փառքի դաշտերում
Մեծ կուռք որոնե՛մ...

Ա. Զ. Ա. Տ ՈՒԹԻՒՆ

(Ս. Ի.-ի)

Այն շղարշ ամպերի ծովերից
Ես հով-զով եմ փնջում.
Մրմնջուն ալիքի լազուրից
Շիթ ու շող եմ կորցում,
Որ շնչեմ սիրակէղ ալ-վարդին,
Եւ հնչեմ Եդեմի մեղեդին...

* * *

Երբ թառամ դաշտ, արօտն է դժխեմ,
Եւ հողիան է սիրոյ հեծեծում.
Արեւի ցուք ու շողքը փսեմ
Այս Երկրին եմ բերում.—
Ուր ծաղկում է Գարուն կախարդուն,
Ուր վառւում են Յոյսերը անհուն...

* * *

Երբ լուսնակը թախծո՞ւտ ու խոկո՞ւն
Յնորքի մէջ սուղւած՝

Միշտ մաղում է զալճեկ կուսութիւն....
Եւ այիբը չուղեած
Շշնջում և յորձանք է տալիս.—
Այդ անչափ իմ կարօտն են լալիս...

* * *

Եւ հեռուն, ժայռերի կատարին,
Ու ծովում լազուրի,
Ուր արծիւն է ճախրում երկնածին.
Այն իմ թափն է կարի,
Որ թեւէր է տալիս միշտ նրան՝
Սաւառնել յանդի, հպարտ ու միանջ...

* * *

Երբ ամպերն են կնճռոտ, խղճնոն
Եւ նոցա ցանցի մէջ
Կաշկանդեւած են Որճոտ, Դղրդիւն
Եւ Կալծակը անշէջ
Բռնկում է չանկարծ լաղթարար.—
Իմ կարօտն է շանթում նա յամառ...

* * *

Երկնքի խորութեան անդունդում.
Երբ աստղերը—աչեր
Ճշմարտի՝ պլպլում են, շողում
Կուսութեան անուրջներ.
—Ե՛ս եմ այն Բովանդակ, Երազուն,
Այնտեղ է՛ս եմ շնչում Վեհութիւն...

* * *

Այն իմ Շողքն է, ժպիտն հարազատ՝
Արշալույսը փնջել.

Այն իմ Յոյսն է, իմ Լոյսը ազատ
Վեհ Լուսաստղը Գզել. —

Ես Մտքի Թափունին եմ անմահ,
Ու Արեւ, ու Եթերն են ինձ դահ...

* * *

Ես ծնւում, ես սնւում եմ Կեանքի
Ու Մտքի Երկունքում.

Գեղ Գարունը Լոյսի ու Փառքի
Ինձ օրհներգ է հնչում...

Ես սիրում եմ ազատ հեռունեւր,
Անսահման երազել գէսի վե՛ր...



Էս կեանքը սե բանա, էս կեանքը մութ խուց,
Աղատը Սիրող Ի՞նչ ես որոնում.

Ձեռքերիդ Շղթայ, կեանքիդ ծանր լուծ,
Հերիք չէ՞ այդքան սգում ես, հեծծում...

Ա՛հ, Աղատութիւն, Սրտի արեգակ,
Մաքից էլ ես վեր. եթերը քեզ զմհ.
Տենչ ու բոց սրտիս պապակն ես անյադ,
Վեհ Աղատութի՛ւն անհուն ու անմահ...

Զարնեմ նեղ ու մութ կեանքիս կապանքին,
Փշրե՛մ ու ազմտ թափով սլանամ...

Արժւի պէս վե՛հ, ամպերի փէշին,
Քե՛զ, Աղատութի՛ւն, զրկե՛մ ու երթամ...

1901. Դեկտեմբեր



Վաղամեծ ընկերոջս՝ Անուշաւանի յիշատակին

Ամպածրար սէգ ժայռերի կատարներին
Արծիւն է վեհ, որ Գոհ ունի.
Սև ամպերից էլ վեհ, վերեւ, Աստուծոյ մօտին,
Արծիւն է յաղթ, որ կը ճախրի...

Այս անարև դառն օրերուն անդթուլթեան
Գորշ, արնախում կապանքից վեր,
Անհունի չափ սուրբ Միտքն է այն Աղատութեան,
Որ թևում է Արծւի պէս անվեհեր...

Ես դիտեմ—թող Անյուսութեան կրճքից եկած
Հողմերը չար, կենսակործան
Մեր վեհ Յոյսի պարտիդի մէջ ծիլ արծակած
Տենչանքների վարդն ու շուշան
Քշեն, ցրեն դէպ Անցեալի մշուշը սև,
Բայց էլի մենք մեր սրտերում
Ունենք անյաղթ ու մշտտփառ վսեմ Սրբ,—
Աղատութեան յոյզի ցոլքում...

Եւ քանի զեռ մեր լուսնի տակ լուռ ու խոկուն
Լեռները կան այն երկնահաս,
Որ մեծ Սրտի, մեծ Տենչանքի միշտ երազուն
Աղատ Ոգու գահն են անհաս,
Եւ քանի զեռ Աղատութեան արեամբ ցօղած
Պիտի հեծծեն վերջալուսներ...
Օ, չենք կարող չր հաւատալ, որ յստարած
Աղատութեան կը գտն օրեր...

1904. Յունիս

* * *

Երնէ՛կ, Էրնէ՛կ,
Աղաա երազ նինչի ժամին,
Կամ բոց կրակ Մաքի՛ ահեղ,
Լինե՛մ, Թռնե՛մ մօտդ, անգին,
Կեանքի Արե՛ւ Այատութի՛ւն,
Փառաց Տաճար, Աղատութի՛ւն...

Երնէ՛կ, Էրնէ՛կ,
Ոսկի աճուրջ լացն հակատիս,
Երկնից տենչանք սրտիս ծովում՝
Ես իղձ լինեմ, ցնորք լինեմ,
Սուրամ, հախրե՛մ մօտդ, Գարուն:
Մասսից էլ ղե՛հ, Աղատութի՛ւն...

1904. Յունուար

ՍԻՐՈՅ ԵՐԴԵՐԻՅ

Ինձ ձի՛ յուղէ՛ք,
Ու ձի՛ ասէ՛ք՝
Սիրոյ ծարաւ, անյաղ երգիչ...
Օ՛, ես գիտեմ, ես երգել եմ
Վարդը բուսած գեղ վայրերում.
Օ՛, ես գիտեմ, ես տեսել եմ
Սիրոյ տենդը կոյս աչերում...

Ինձ ձի՛ յուղէ՛ք,
Ու ձի՛ ասէ՛ք՝
Անդուստ Սիրոյ խանդին կարօտ.
Ես Սէր ունեմ. այդ է սգում
Դաւար հովտի լացոյ ուռին.
Ես սիրել եմ, այդ են պատմում
Վեհ աստղերը մունջ զիշերին...

1904. Յունիս



Սո ր. Նազան ին

Բ՛նք ու Բորան... Ձմրան գիշեր.
Ո՛ւֆ... Երկաթէ Սառնամանիք—
Որպէս վիշապ գոռ զաղաններ,
Բերները բաց, փրփրաժանիք
Մռնչո՛ւմ են, հո՛ւ ծրռծրռո՛ւմ,
Արար Աշխարհ ահաբեկում...

Ո՛ւր է, չը կան Արե՛, Գարուն,
Ո՛ւր է, չը կան Բլբուլն ու Վարդ.
Վշտի՛ աշխարհ... Վիշտն է անհուն,
Է՛լ վա՛խ, Կեանքը՝ ցո՛ւրտ է, անզարդ...

Տե՛ս, քամին է, քամին վայրագ
Դռներ բաղխում, զարկում Սրտին.
Քամին է խօլ թռչում արագ
Յոգեածուլթեան կնիք շրթին...
Ի՞նչ է կորցրել... Ի՞նչ է ուզում.—
Երգը թախծոտ ի՞նչ է խօսում...
Նա վրշվրշշո՛ւմ... տաղտո՛ւկ լալիս,
Խորտակ սրտիս ծայն է տալիս.

Ձալն է տալիս...
Գարնան Յուշեր, Սէր ու Խնդում,
Յնորքների ոսկի Կամար.
Դալուկ Մահու ցուրտ մահիւնում
Է ի վախ քնէք, զգէք իրար...
Ձմրան շնչով այս մութ գիշեր
Նինջ եմ հիւսում ես ձեզ համար...
Նա վրշիւրշում, տաղտո՞ւկ լալիս,
Աւեր սրտի՞ս ձալն է տալիս...

1904. Դեկտեմբեր

ԵՐԳՍ ՈՒ ՀՈԳԻՍ

Սրնակարկաչ Կեանքի հովտից ծով պսակով
Սնյուսութեան դանդաղ ու քարշ Ամպերն ելան...
Գերեզմանուղ նի՜նչ Լուսթեան կամարներից
Սնուրշ ու Իղծ հրեղէն թևով դողդոջ առան...

Մանուկ Սրտին Սէր աւետող վերջալուսին,
Երբ լուսարեւ ու կենսատու վսեմ Ոգու
Ըստինքը ջերմ իմ շրթերից էլ հեռացաւ,
Սնսէր Հողուս անարեղակ ծով երկնքից՝
Կեանքիս Զահե՛ր, երազ Սատղե՛ր
Կայծակային Վշտի թափից
Մէկի՛կ, մէկի՛կ ընկան... կորան...

Ո՛ւր է, աւանդ,
Գարնանաշունչ Տենչանքներիս
Այն յաղթական Սրեւր վառ...
Ո՛ւր է, աւանդ,
Վեհատեսիլ Աստուածների
Երազանքս արշալոյսուղ.
Թռիչքն հողուս հպարտ... յամառ...
Չը կան... չը կան...

Եւ իմ հողին, որ Մեծ Յոյսի
Սրեգակող Երկինքն էր լայն,
Նման է սին ու փուլ եկած,
Հիմքը խախտւա սեւաւոր տան...

Հեղեղապէս Կեանքի զաժան Ծանրութեան տակ
Կրքոտ Յոյսերն, հողուս Սիւները շուտ կոտորան...
Եւ մաացիր, հաճանչազեղ Պատերն հողուս,
Որ Մեծ Աւեան, Աստուածութեան
Հղօր ու դե Յնորքներից էին նիւթած
Փլան... քնկան...

Եւ այդ անշուք Աւերակաց մէջը աչսօր,—
Ուր մոռնչ ու լմու վշտատեսիլ զերեղմաններ
Վաղաթառամ Տենչանքների և Ըղձերի
Դարձած երկինք բողոք... վրէժ են մրմնջում...
Վհատութեան ու սե՛ Մահու
Շատ վրաններ կան տարածւած...

Եւ այն խորտակ Աստուածութեան անեան տակից
Ցալտում է յօրպ, մահակարկաչ և արնաշիթ
Բիւրեղ Աղբիւր...
Այն արիւնող վշտատարած Ակունքներից
Հիւսում եմ ես Երգերը իմ բոլլ մարգարիտ...
Իմ Երգերն են այն Աղբիւրի մշտակսկիծ
Ցալտերը բիւր...

Յ Ո Յ Զ Ե Ր

Իմ կո՛ւռք... Իմ Աստուած...
Հողիս հրգեհւեց քո Գոռ ծարաւի՜ց,
Օ, չրկա՛ս, չրկա՛ս... Անդարձ Գարունքիս՝
Արշալոյսի պէս՝ յուսաւառ շէճքին
Երբ Հողուս ոսկի յոյսերի ցանցում
Շողշողում էր յաղթ տենչերի Արեւ,
Ես ծունկ չոքեցի բարկ, ծովանման
Կեանքի սեղանի առաջ անխնդում.
Եւ Սիրտս ուխտեց... կրքոտ իմ Հողին
Այն օրից վեհ-վեր.
Դէպ՝ Լոյսը շողանց,
Ու Միաբն թափառ Տիեզերքի ասիւր
Ճախրեց շանթածե...

* * *

Իմ կո՛ւռք... Իմ Աստուած...
Անհունը Գրկող՝ յաղթ կայծակների
Բոցաթոյր ծովում սուրբ ծնունդ առած՝

Թւերը Մաքիս վեհ-վեր տարածե՛մ...
Եւ հեղեղն Հողուս—Ողու հոծ հեղեղ—
Մեղսու աչս Կեանքի երեսին ցրեմ...
Եւ Յնորքների հպարտ ալեաց մէջ,
Եւ աստեղանիշ Յոյսերի բիւրեղ
Կամարների տակ ճախրե՛մ ու նաւե՛մ...
Կաշկանդ Սրտերի
Կապանքը փշրե՛մ...
Առաջատու լայն... Փնռքը, Կճռքը իմ
Յաւէտ որոնե՛մ...

1903. Գեկտեմբեր



Վաղամեռ ընկերոջս—Յովհաննիսի յիշատակին

Օրերն ու Տարիք մէկ մէկ միալար,
Որպէս քինայոյզ դժխեմ ջուհիակներ,
Որ Յաւերժութեան առաջ յաղթարար
Մանում են, հիւսում սե Պատանքը մեր,
Գալիս են, սահում... մռայլ ուսերին
Դրո՞ւմ ամպերը խեթ Չախորդութեան.
Բերում են, լցնում խղճով մեր հոգին
Թոյնով, ախտերով խոժո՞ռ Մթութեան...

Եւ մենք աչս Բանտում—Աշխարհի Բանտում—,
Չանձրոյթ ենք ձգում կենաց Ակունքից՝
Եւ մեր սուրբ հոգին Ազնաւ է տենչում,
Ազատ ու հեռու Կապանքի հովտից...
Օ՛, սա՞ է միթէ վեհ Կեանքը բուրեան,
Կեանք հոգով, Մաքի... Սին հիւանդանոց,
Ուր միշտ վխտում են Վէրքեր անդարման,
Մռմնաւ ու Շիւսն և չորդ Լաց ու Կոծ...

Եւ բիւր երանի՜, ով գիտէ զգալ
Յաւերժ Թափառման բերկրունքն անարառւմ.
Եւ կեանքը տաղտուկ միշտ նորա համար
Եղել է վսեմ անծայր Որոնում...
Որպէս երկիրը, որ գէի թափով
Իր խոր Ձանձրոյթից փախչում է անլազ.
Որ գիշեր, ցերեկ անհանգիստ, խռով
Նեւում է առաջ խոժոռ ու մենակ,
Շրջել... Թող այդպէս ծանօթացած հոգին
Զգայ ու շոյէ Քաղցրութեան Բարձունք,
Եւ թոթափէ իւր Թախիծը մթին...
Թափառել հեռու, դէպ հեռու ափունք...
Եւ Թափառման մէջ հարբել ու կորչել.
Թող շունչը նորա հնչէ վեհ օրօր.
Նորա ալեաց մէջ լաւէտ մոռացել.
Մոռացւել, ծծել Աղատն ու Անդորր...

ԱՐՇԱՆՈՅՍԻ ԱՌԱՋ

Վիկտոր Մանէլեանին

...Ժամանակի երկաթ հողմերի
Անգթութեան տակ
Հալումաշ եղած ընկեր սիրելի՛,
Երբ անարեգակ
Հոգիդ կնճռո՞ւ... և դու մենաւոր
Անընկեր շրջե՞ս...
Եւ շատ էլ Սրտեր փշրող ահաւոր
Մորրիկներ տեսնես...
Օ, բնա՛ւ, երբե՛ք այս վեհ Բնութեան
Վեհ օրէնքներին
Դու չրտաս անուն կոչր Անմտութեան...
Զի մեր սուրբ հողին
Երբեմնի ժամին զիտէ ճանաչել
Կարող Անհունի—
Անհաս Սրտեստի համայնապատկեր,
Երբ լուծր կեանքի

Իրնից թափած՝ նա վարկենաբար
Աստուածատեսիլ
Հրաշալիքների առաջ մտալար
Կանգնէ՜ զմայիլ...



Ո՞վ չի հմայւում վեհ Արշալոյսով
Արեամբ հրդեհւած.
Երազների մայր, Յոյսի վարդերով
Յաւէ՛տ շաղախւած...
Այն Արշալոյսով, որ հոգիների
Անյալտ Աշխարհէն
Սուրբ ծնունդ առած, զանգաղ Օրերի
Օրրոցի միջէն
Ամեն առաւօտ, ամէն առաւօտ
Շողքով փրկութեան
Յիշեցնում ձեզ հոգիներ մեղսոտ,
Սուրբ Աղատութեան
Արիւնով զնւած Գարունն հեռաւոր,
Որ Աստուածային
Նախածեռնութեան թափով լուսաւոր
Տրւած է Կեանքին...



Ես լաւ գիտեմ, ով անկարեկիցներ,
Այդ նւիրական
Արշալոյսները, որ մեծ երազներ
Մեզ կը խոստանան,
Անդրադարձումն են մեր հոգու խորքում

Միշտ կամար կապող
Արշալոյսներին, որ միշտ, անդադրում
Փալլով խենթացնող
Վառ շողշողում են մեր անհնացած
Վեհ Տենչանքներուն
Շիրիմների մէջ... Օ', արիւնկալած,
Յաւէտ կախարդուն
Արշալոյսն է յաղթ Աստծոյ ժպիտ՝
Թաղնւած մեր Հոգում,
Որ իբրեւ Երկնից Անուրջի սուրբ շիթ
Շողով է... կոչում...

1904. Մայիս



Միք. Սվեշնիկեանին

Աստղերի ցանցում, ամպերից էլ վեր,—
Խոր, անսլոյալին բիւրեղ բարձունքում,
Ուր վեհ ճշմարիտն, Յոյսը, Գութն ու Սէր
Սուրբ Աղաւտութեան երազ կամարում
Շողում են անհուն,
Շնչում են Գարուն,—

Ես ջնո՞րք ունեմ... ջնորք կաթողին,
Արնավէժ Կեանքի ափերին վնջած...
Եւ քանի ալսպէս Կեանքում տրտմազին
Պիտ իշխեն Բռունցք, Սուտն համատարած,
Երկնքէն վսե՛մ
Ես զա՛ռ կ'աղերսեմ...

Ու Միտքս աղա՛տ... Ես էլ լաւ գիտեմ,
Որ Կեանքը այս կերպ չի մնայ խաւար.
Յորձանքը Արեան, Կեղծիքը դժխեմ
Հիւրեր են միայն, կանցնեն աննշմար...
Եւ բիւր երանի՛,
Ով մեծ Սիրտ ունի,

Սրտի խորանում Տենչ Աստուածութեան.
Ով Գալիք Գարնան Յուսոյ պարտիզում
Գեղ Վարդեր ունի կենսո՞ւ ու բուրեան...
Օ՛, նա կը տեսնէ այն ջի՛նջ երկնքում
Յաղթ լոյս Գարուն,
Յաղթ Ազատութիւն...

1904. Մայիս

* * *

Մեր Հայն երկնքում բանտի տու բանակ
Դիզւած են սմպեր անյոյս Դառնութեան.
Մեր զեն Սրտերի երգերն ու նւագ
Վշտի յորձանքից իսպառ սեւացան...

Եւ եղեմական Վայրերում փարթամ,
Ուր կեանք էր հոսում Գարնան կարկաչով,
Աճիւնն ու մոխիր անփայլ ու թառամ
Պատել են չորս դին Մահւան համերգով...

Եւ Յաւերժութեան կրճէից միալար
Սահում են Դարեր խոժոճ ու զաժան...
Եւ Շիրիմ դառած մեր Սրտի համար
Ոչ Յոյս կայ, ոչ Սէր, ոչ էլ Լոյս Գարնան...

1904. Ապրիլ

* * *

Աշխարհի տէրեր.

Կռանք մաքէ, շանթից տհաւոր,

Յաղթ Ձեռս առած, եռ ծեղ եմ զիմում.

Անթիւ, անթռիչք, ըղձաղուրկ, մոլոր,

Գծող չորիներ...

Կապանք սիրելով՝

Անհաղորդ էք Դուք վեհ-վեր Սրահերի

Աստուածավայել չաղթ Յնորքներին,

Որ արեւում են յանուն կուռքերի՝

Փառանց բոլորով...

Նայէ՛ք սրամոլոր.

Գերեզմաններին չատուկ, անխաչել,

Դէշ ունայնութեան Մշուշի տակից

Նայէ՛ք զէպի ինծ... չորսու չուսաբեր

Ես Մուրճն եմ խոժոռ...

Սրտեր տենչկորոյս,
Հոգեծին Մուրճով, հակատս Սրէ,
Սաստուծ եմ ես ծեղ, սողալ իմացող
Ստոր զաւակաց... իմ Երգն է սէ, դէ,
Տենչանքս վեհ... լոյս...

Եւ անհունացած՝
Կեանքի Արշալոյս, մտքերի Զեղում
Իմ հոգի Մուրճով զարնեմ... կը փշրեմ
Սրտերը աւեր, որ չեն համաչում
Ցնորքի Աստուած...

1903. Գեկեմբեր

[✱]

Գիշերն է լռիկ և ջինջ երկնքէն
Ասաղերի ցանցից խորհրդէ կաթում.
Եւ շողքը լուսնի—ժպիտ Դալիմթեան—
Լեռներն է ցօղում, հովիտն արծաթում...

Եւ մութ Սրտերի Տենչանքը անփայլ
Կեանքի Օրրանից եթերը ելած՝
Մենակ ու մոյօր փնտռում է Բաղձանք
Անձէր Խեղճերին վշտից տապակւած...

Հպարտ ժաշուերի ափունքը մռայլ
Յուշիկ շշուէջով ծեծում են ալիք.
Եւ այն մեղմ ալեաց մրմունջը վսեմ
Հնչում է Սրտին օրերը Գալիք...

Ն Ա Ի Ա Հ Ա Ն Գ Ի Ս Տ

Անոյշ քրոջս՝ Խանումին

Նաւահանդիստ...

Վսեմ հողու չնաշխարհիկ, կախարդուն վա՛յր.

Որքան Գիտես Դու հմայել,

Իզժը հեռո՛ւ, հեռո՛ւ կոչել...

Յաւերժական Երազներիս վեհադուժ Մայր...

Հազար ու բիւր Սիրտ ու Նաւեր Կեանքի ծովում,

Զախորդութեան հողմերի մէջ՝

Զարկւո՛ւմ են յար, տանջւո՛ւմ անվերջ,

Դէպ փրկարար դարձած ափունք, Քեզ են ձայնում...

Քանի՞, քանի՞ միշտ երազումն վեհ Տենչանքներ
Մահ եւ ծծել՝ քեզի՜ կարօտ...

Քանի՞ Սրտիս նոր Առաւօտ,—

Զր յօրինես Յուսոյ փարթամ ծաղկադաշտեր...

Նաւահանդիստ...

Յուսածնունդ Արեւերի սուրբ Օթեան,

Որ Սրտերի վեհ երկնքում

Ազատ Գարձեն, Լոյս եւ շողում,

Ա՜հ, ռւբ ես... կամ... սուրբ Յնորքիս անմահ Կայան...

1904. Սեպտեմբեր

ՄԱՆԿԱՆ ՕՐՕՐՈՑԻ ՄՕՏԻՆ

Այս դառն Աշխարհի զժրտխտ օրերի
Անգութ հողմերի առաջ մտալար՝
Կանգնած եմ, մանուկ, օրրօցիդ վերեւ,
Հոգիս կնճռոտ և վշտածրամբ:

*
* *

Աստ ինձ, մանուկ,
Գիտե՛ս, որ շողքը յստանկ Յնորքի
Իւր վեհ ալեաց հետ աշխարհ քեզ բերեց
Որ կարճօտ քաշես աղմտ Գարունքի...

*
* *

Բայց Դառն է Ուղին... յանուն Վեհութեան,
Հեռու և Կոչող Անչալտի համար—
Մենք վիշտ ենք ծծում սպունդի նման,
Մենք շատ ենք անցնում Անդունդներ մօայլ...
Օ, բիւր երանի, անմեղ իմ մանուկ,
Թէ դու գիտենաս, ո՞րքան սեւ ամպեր
Գերեզմանածին անյոյս Տանջանքի,

Կամ ո՞րքան կեղծի՜ք, մը՛ռւր, սուղ ու լայ,
Ո՞րքան բմհաճանք Կոյր ժամանակի
Կեանքիդ կամարում բանակ առ բանակ
Ակնկալում են քեզի անպատար...

* * *

Ա՛խ, քնքուշ մանկի՜կ, որ այգսորինակ
Հողի դու ունես բիւրե՛ղ ու զուլա՛լ.
Բայց չե՛ս խուսափիլ երկաթ օրերու՛ն
Սե՛ անգթութեան Մռայլ Կապանքից...
Եւ թէպէտ այսպէս Լուսնեակը խոհուն
Երկնքի Քահից մի՛շտ, ամե՛ն գիշեր
Անյուսութիւն է ցօղում մեր Դաշտին,—
‘Ի՞նչ ինչ հաւատա՛, սիրուն իմ Մանուկ.
Կապանքի, Արեան այս դժխե՛ծ Հովտին
Արշալոյսնե՛ր կան...

* * *

Եւ նենդ հողմերը ծախորդ օրերի,
Ու ձախառագրի խաղերը դաժան
Կամո՛ւրջ են միայն դէպ այնտե՛ղ... հեռո՛ւն,
Ուր մերն է Յոյսը, և Արե՛ւ, և Սէր...
Հաւատա՛, մանուկ, ծախորդ օրերուն
Հեռեկու են վսե՛մ Բարձունքներ...

ՅՆՈՐԺ ՈՒ ԹՈՒԶԻ

Աժդրհայ և տնպարա ծակատին շարէշար
Մէջը մէջքի արած յաղթ լեռնացած կնճիռնէր...
Եւ իգիթ Աչերից արնաշիթ, հրախառ
Հեղեղւող Արցունքի բարկաճալթ լայն ծովէր...
Միշտ վկայ են տնմեռ... օ, վկայ են հղօր,
Որ գալիք օրերի անթափանց Մէզի մէջ
Կեանքն ունի գաղտնացած վեհ Գարուն փառաւոր...

* * *

Պատերաճ, ծով Արեան... Դիակնէր հեղեղւած...
Թող Տէրերն Աշխարհի շահամուր Գրպանին
Գերիններ ճանաչեն... Թող անկուշտ, արնախում
Գազաններ հռչակեն... և զժոխք Թող լինի...
Բալց ալնտեղ, ցնորքոտ Անհունի կրծքի տակ
Արշալոյսը Կեանքին մեծ Գարուն է հիւսում.
Մեղ ալնտեղ է տանում Շանթ-Նոյին 'ի շալակ...

* * *

Պատմութիւնը Ողբերգ է արեւոտ և անեղ
Կեանքի ճանապարհին: Ճանապարհն այս անծայր
Մերը չէ՛... մենք անցնում ենք հեռո՛ւն, դէպ աչիտե՛ղ,
Ուր անմեռ Ասաւածներ Ոգու ծով են ծորում...
Մերը չէ այս ուղին, սա անցւոր է, անփայլ...
Շանթ-Հոգին, որ մեղի 'ի շալակ է տանում,
Ճանաչում է Տաճարը փառաց ըղձափառ...

* * *

Այս ուղին մերը չէ՛... Մեծ Հոգին թւանի
Մեղ տանում է օտար Աշխարհի դաշտերով...
Եւ Անմեռը, Անկախը թափով կայծակի
Մեր թռիչքը դիտում է անհուն իր ննչով...
Այս ուղին մերը չէ՛... Դժոխք ծակատաղրի
Սահմանումն է ընկած մեր ուղին... որտեղ ծով
Եւ հեղեղ կայ Արեան, Կրակէ վշտերի...

* * *

Այս ուղին մերը չէ՛. սա Կամուրջն է փառանց.
Մեր Արեւ, մեր Կուռքեր այն Ափին են, այնտե՛ղ...
Մեր թռիչքն է անհուն, մեր տաճար լոյստարած...
Շանթ Հոգին թւանի կայծակնոտ ու անեղ,
Որ ճախրում է, տանում մեր Սրտերն ի շալակ,
Այն սուրբ Կիրքն է Կենաց և Հոգու մեծութեան,
Որ վառւել է առմիշտ և վառւում է անչափ...

* * *

Մեր հոգին է հպարտ...
Նա հեղեղ է Կրքի՝ մեծ, արի՛ տարելու...
Եւ եթէ Սրտերի ամպածոր երկնքում՝
Արնացող ճաճանչի գալարուն խուրժերու
Ծովի մէջ արևում Տենչանք փրկութեան.
Եթէ կա՛հ հոգու շանթ ու Մաքի հեղեղաւ.
Կա՛յ և Կիրք գտնելու Բարձունքն Աղատութեան...

* * *

Մեր Սրտերը... աշնանդ կա՛յ Երկի՛նք ու Երկիր...
Ամե՛ն ինչ, ամե՛ն ինչ... մեր Սրտեր անհուն
Անեղին հալելի են շողճաւ, մաացի՛ր...
Յաղթ Անմեռը լաղւարթ Լաղուրից աստղաւուն
Արևներ է չանթել... մեր Սրտումը թաղել...
Մըրկճաւ երկնքից շանթ, կայծակը խլած՝
Ըղձերի փաթեթով մեր հոգումն է նետել...

* * *

Այդ Կայծակն է չաղթ Կիրք Արևի՛, Մեծութեան.
Այդ է շանթազալար Իրաւունքն ապրելով,
Որ փարթամ ըղձերի ծովի մէջ անսահման
Թե ու թափ է ապրիս գէպի կոռք ճախրելու...
Այդ Մըրիկն է հոգու, Սրտերի թաղաւոր,
Որ զայրոյթը շանթէ նակատին սղսկած՝
Արիւնէ՛լ է անվերջ ովկեաններ վշառուոր...

* * *

Այդ Մորիկ Իրաւունքն է մեր շունչը անմեռ,
Որ տանում է մեզի դէպ Արե 'ի շալակ.
Ահեղ Կիրքն է հոգու, որ Մանգաղը Մահու
Բռնած՝ կեանք է հնծում... և ծովեր արիւնում...
Թոյլերին նա առում է Կրքով զժնդրակ.
Իսկ Նոցա, ով անյաղթ է հոգով, թռցնում...
Ու թւում է հեռուն... Դէպի վեր, Արեգակ...

* * *

Այդ Մորիկ Իրաւունքն է անհաս թագաւոր
Աժդրհայ Սրտերի և Աստուած Տէնչերի.
Այդ հոգին է Յո՞՞՞ր, որ կեանքի Սեւաւոր
Օրրանից Արեան ծով ծորելով... Ազգերի
Գերեզմանը նիւթեց... և ազատ Սրտերին
Թւանի, ի շալակ դէպ Անհունը բերեց...
Այդ վեհ Կուռքն է հոգու ու կեանքի փառածին...
Իրաւունք... Իրաւունք...

ԿԵԱՆՔԻ ԱՓԻՆ

Պօղոս Արեւելանին

Ճակտիս խտացած անձայր Վշտերի
Այս ծով ամպերից ըզծեր եմ երզում.
Սրտիս զէզ-զիզւած, որպէս վեհ ճաճար—
Հպարտ Յոյսերից Արեւ եմ հիւսում...
Անյաղթ ճշմարտի դարնան շողերից
Նիւթում եմ Արեւ կեանքի Մեծութեան.
Ով դիտէ ապրել, թող ապրէ միայն...



Ես շատ եմ ապրել. ես լաղթ եմ ապրել.
Ամպեր են զրկել Երկինքը Սրտիս.
Փորձանք, հալածում, մրճը Գերութեան.
Որպէս թուիս մշուշ, հողուս անդունդում
Կամար են կապել, կամար Դառնութեան...



Անդարձ օրերի մի Կոյս առաւօտ
Կայտառ, ժպտերեւ, վառվռուն յոյսով,
Սիրոյ աւենքերի Դարունքին կարօտ՝
Ես Կեանքը մտալ երկիւղած Սրտով...

Ազատ Յնորքի թերթերը բուսան.
Սրտիս դաշտերում, Ծաղկունքը վառւեց...
Անձան լոյսերի երազուն Շուշան
Երկնի՝ Բուրձունքով իմ Կեանքը լցրեց...

* * *

Անցան տարիներ.
Զախորդ օրերի անգութ Անիւններ
Մէկ-մէկ փշրեցին վարդերն իմ Աւեան.
Եւ իոյս Տենչանքիս Արեն ու Աստղեր
Մէկի՛կ ու մէկի՛կ ընկան... ահ, կորան...

* * *

Ես ծունկ չոքեցի
Մռայլ այս Կեանքի Սեղանի առջև,
Աղերս մեկնեցի...
Արցունքը ծորա՞ց... և ծով հեղեղւեց...
Եւ վեհ Սրբութեան կեանքի Բարձունքից,
Սմայի պէս դժդոյն, Լոյսի պէս աննիւթ,
Կայծակի թափով՝ Խորհուրդը կենաց,
Որպէս վառ Երազ կանգնեց իմ դիմաց...
Մըրիկը պայթե՞ց... դղրդա՞ց Որոտ...
Զարգանդը տիրեց անփայլ Սրտերին...
— Ես փառքն եմ Կեանքի, ես Միտքն եմ
Թափա՞մ—

Արե՛ Բեժուժեան...

Ով գիտէ ապրել... ապրե՛լ ու ըզգա՛լ՝
Սրտի երկունքով Աշխարհի Յաւում.
Ով գիտէ անյաղթ տանել ու տոկալ
Վսեմ Լռութեան այս Կոյս Տաճարում՝
Խորհուրդը Կեանքի—Աշխարհի կոչման
Լոկ նա՛ կիճանայ հպարտ ու մխոյն...—

* * *

Անյաղ տենչահիւս Խորհուրդը Սրտի,
Ազատ Հոգու պէս, շէկ Շանթի նման,
Այգպէս մրմնչաց մրմունջը փառքի,
Այգպէս շշնջաց կոյս իղձը Գարնան...

* * *

Եւ Սիրոս ասես բարկ ծով վրդովւած.—
Ահեղ Սլիքներ Զարի ու Բարու
Եկան զարկեցին Կրճքիս սեամանձ...
Կեանքի Դառնութեան յորձանքը մթին
Եկաւ ու նեաւեց Յոյսիս ժաչուերին...
Ես թափ տւեցի Թւերը Հոգուս,
Ուժգին զարկեցի Սրտիս լարերին...
Ու ես իմացայ, ու Միտքս զտաւ
Անյայտը Կեանքի...
Հեռու ավերին կանգնած վիթխարի՝

Անփայլ Լուսթեան տաճարն է խորհմբդ...
 Կեանքի ահաւոր Մըրիկը զիտող
 Բիւրեղ Լուսթեան դողդոջ խորանում
 Թաղնւած է Գաղտնիք — Իմաստը կենաց...
 Թռիքչքը Մաքի...

* * *

Այնտեղ, ուր լեռներ, լեռներ աժդհաց,
 Որպէս քաջարի ու սերտ եղբայրներ,
 Մէջք մէջքի տւած՝ մռայլ, անվեհեր
 Նայում են գէպի Երկինք անկողար.
 Նայում ու բողբոջ զրկում առ Աստուած...
 Այնտեղ ամեհի ժայռերը խոհուն՝
 Նոթերը կիտած, ճակտով կննռաւ,
 Խոժոռ ու անհաշտ նայում են հեռան...
 Կեանքի ծովափին, ուր յաղթ Ալիքներ
 Կեանքի Արդանդից՝ փրփուրը հագած՝
 Գալիս են հուժկեւ, զալիս ու կրծում
 Ժէռ կուրծքը ափի... Որպէս փայրենի
 Գաղան կատաղած, յուզում են ուժդին,
 Զարկում են, զարկում... Ժայռեր կրճատում...
 Այնտեղ, սեւամած Կեանքի ծովափին
 Ես խոհ Լուսթեան տաճար հիմնեցի...
 Երազ լուսթեան անհաճ Խորանին
 Ու սիրտս, ու հոգիս ես զոհ բերեցի...

* * *

Եւ շուրջը անհաս Գարնան Տաճարի
Մեռած իմ ըղծե՛ր, մանուկ երազնե՛ր,
Անդարձ մանկութեան լոյսեր Բերկրանաց,
Այդ ողջը արնոտ հողում թաղեցի...
Եւ շուրջ կապեցին թախծոտ նիրիմներ,
Մռմռու հիւսեցին սգւոր Տենչանքներ.
Խաչի փոխարէն լալկան ուռնիք
Ցաւոտ մրմունջով երգեր հնչեցին...
Եւ ես քար կարած՝ փարթամ Լոռութեան
Խնկէ Խորանից ազնա ճակատով
Դէս կեանքը դարձայ...

* * *

Եւ կուրճքը ուռցուց մեծ կեանքը արնոտ,
Եռանց... փրփրանց ահեղ յորձանքով.
Ալիք լեռնապէս՝ փրփուրը բերնին՝
Կառաղած շան նման ոռնում էին դռ...
Կառաղած շան նման ոռնում էին դռ...

* * *

Որպէս պարզամած լազուր դիշերին
Անխօս ամպերի սգւոր կարաւան,
Որ լճու ու մնջիկ տնջնում է յուշիկ
Լուսնի առաջով ճամբան ծանձրալին,—
Սճագ, լճի, հառաչանք կեանքի անդունդից

Ելան շարէշար,
Եկան ու անցան աչքիս առաջից...



Որպէս լուս ու մութ պահին վաղորդեան
Ծիւ-ծիւ թռչուններ շարան ու շարան
Ճախրում են օդում, թռչում են հեռուն,
Սրիւն ու կեանի հեռու ավերից
Յոյ՛ւր ու ցոլքե՛ր եկան քրքիջով,
Եկան... և նորից անհետ էլ կորան...

Եւ ռոչափ ջիւան Կեանքի հատորներ՝
Սրիւն ալեաց հետ քշող խառնիխուռ...
Եւ ռոչափ հալմաշ խղճով հոգիներ,
Տառապած Սրտի հառաչ ու մոմե՛ռ,
Ոսկի Անուրջի ցրտացած մոխի՛ր—
Հոսանքը ալեաց քշում էր հեռուն,
Քշում ու նետում ավի ժայռերին...

Տեսայ ևս Կապանք... Շղթայ... Գերութի՛ւն...
Ամե՛ն, ամե՛ն ինչ տեսայ բարկ ծովում.
Եւ հպարտ Մաքի կնձիւր խոժող
Բսնում էր ճակատիս, անվե՛րջ խառնում...

* * *

Եւ շա՛տ Գարուններ փարթա՛մ հոխու[թեամբ
Զառքար պճրանքով եկա՛ն ու անցա՛ն,
Անթիւ Զմեռներ սրտձաշուկ շնչով
Տանջա՛նք բերեցին, անդարձ էլ կորան...
Եւ շա՛տ, շատ անդամ Գարնան զալստեան
Երազ [թռչուններ համբոյ՜ր քրքիչով
Լոյսի՛ Յաղթանակ, Արե՛ւ երգեցին...
Եւ շա՛տ, շատ անդամ Աշնան շնչի տակ
Այ-բալ կանաչներ [թառա՛մ [թօշնեցին...

Սրտերը խամրած, մոխիր հողիներ,
Ամեն, ամեն ինչ հզօր Ժամանակն
Դժխեծ, մահաափիւռ իր մեծ Թեւի տակ
Քշու՛մ էր զէպի Մշու՛շն Անցեալի...

* * *

Եւ էս իմպայ Դալուստը Գարնան,
Ու Սիրտս զգաց Իմաստը կեանքի...
Մենակ ապրելո՛ւ անհուն Յնօրքի—
Ազատ ապրելու անհատ Տենչանքի
Հպարտ Խորանու՛մն է Փա՛ռքը կենաց...

* * *

Հեռու Ստուծեան ացն ծովը գծուծ,
Որի մէջ լողում, նեխում են Սրանք.
Սո՛ւտ... սո՛ւտ... չրկայ Սէր, չրկայ Մերձաւոր.
Մարդիկ չեն կարող իրար հասկանալ,
Անկե՛ղծ ու հոգե՛ղ իրար ներելել...
Եւ լոկ ացն ատէն Գարունը կըզայ,
Կըզայ Վեհուծեան Խորհուրդը կեանքի,
Երբ Արեան ծովում,— միշտ առանց Սիրոյ,
Որ յաղթ Մեծուծեան անկումն է միայն,—
Արիւն Ալիքի կարկաչ Երդի տակ
Սուրբ ծնունդ առնէ Իմաստը Մտքի,
Եւ Աստուած դառնայ մեր Եսը անյագ...

1904. Յունւար,
Փետրւար



ՅՈՎՀԱՆՆԷՍ ԱՐԱՄԵԱՑԻ ՀՐԱՏԱՐԱԿՈՒԹԵԱՍԲ ԼՈՅՍ
ԵՆ ՏԵՍԵԼ ՀԵՏԵԻԵԱԿ ՊԱՏԿԵՐԱԶԱՐԴ ՀՐԱՏԱՐԱԿՈՒ-
ԹԻԻՆՆԵՐԸ.

1.	Բեօրնսօն՝ կազմեց Ե. Թովչեան . . .	10	կ.
2.	Մահմեդ՝ » » » . . .	7	»
3.	Մեսրոպ Մաշտոց՝ կազմեց Ե. Թ. . .	5	»
4.	Սահակ Պարթև՝ » » . . .	5	»
5.	Հառւպտման՝ » » . . .	15	»
6.	Մեծն Ներսէս՝ » » . . .	5	»
7.	Զրադաշտ կազմեց Մ. Թաճամշեան . . .	7	»
8.	Ընտրութիւն կաթնատուների (26 պատկ.) Գ. Մեծատուրեանի	15	»
9.	Ռ. Վիրխով՝ կազ. Ս. Բուդուղեան . . .	25	»


Չուտով լոյս է տեսնելու՝

Պուշկին.

Պատրաստ է տպագրութեան Համար՝

Ա. Բալանթար.— Հանրամատչելի ձեռնարկ կաթ-
նատնտեսութեան:

Պատրաստուած են նոր հրատարակութիւններ:



ԴԻՄԵԼ՝

1) С.-Петербург: У. М. Арамянца Ал-
ская 38.

2) Мифлисов: Книжный магазин Тумтен-
берга.

3) Баку: М-во „Прометеев“. Красновод-
ская д. Ашировых.

821.99


3-20

Գինը է 30 ԿՈՊ.

ԳԱՆ Հիմնարար Գիտ. Գրադ.



220028284



A

II

28284